

Mae Cyllid Myfyrwyr Cymru (CMC) yn ymwneud â myfyrwyr sy'n byw yng Nghymru sy'n astudio cyrsiau addysg uwch mewn prifysgolion neu golegau yn y DU

Mae cymorth Lwfans i Fyfirwyr Anabl (DSA) ar gael i dalu am unrhyw gostau ychwanegol cysylltiedig ag astudio a allai fod gennych oherwydd cyflwr iechyd meddwl, salwch hirdymor neu unrhyw anabledd arall.

Gall hyn fod ar ei ben ei hun neu yn ychwanegol at unrhyw gyllid myfyriwr a gewch.

Mae'r math o gymorth a faint a gewch yn dibynnu ar eich anghenion unigol - nid incwm eich cartref.


Nid oes angen ad-dalu Lwfans i Fyfirwyr Anabl.

Beth all y DSA dalu amdano:

Gallwch gael help gyda chostau:

- offer arbenigol, er enghraifft cyfrifiadur os ydych chi angen un oherwydd eich anabledd.
- helpwyr anfeddygol, er enghraifft dehonglydd Iaith Arwyddion Prydain (BSL) neu arbenigwr i gymryd nodiadau.
- teithio ychwanegol, i fynychu eich cwrs neu leoliad, oherwydd eich anabledd.
- cefnogaeth astudio arall cysylltiedig i anabledd, er enghraifft gorfod argraffu copïau ychwanegol o ddogfennau ar gyfer prawffdarllen.

Nid yw DSA yn talu costau cysylltiedig ag anabledd a fyddai gennych pe na baech yn mynychu cwrs, neu gostau y gallai fod gan unrhyw fyfyrwr.



Eich 'asesiad o anghenion':

Unwaith y bydd eich cymhwysedd ar gyfer DSA wedi'i gadarnhau (drwy'r llythyr DSA1), bydd Cyllid Myfyrwyr Cymru yn cadarnhau eich cyflenwr (naill ai Study Tech neu Capita). Bydd eich cyflenwr yn helpu trefnu eich asesiad anghenion.

Telir am yr asesiad drwy unrhyw hawl DSA a allai fod gennych.

Ar ôl yr asesiad, byddwch yn cael adroddiad yn rhestru offer a chymorth arall y gallwch ei gael ar gyfer eich cwrs.

Peidiwch â phrynu unrhyw offer nes i chi gael eich asesu - ni chewch ad-daliad amdano.

Mae rhagor o wybodaeth am yr asesiad anghenion ar gael ar gov.uk: www.gov.uk/guidance/what-to-expect-from-your-disabled-students-allowance-dsa-needs-assessment

Sut mae DSA yn cael ei dalu:

Yn gyffredinol, bydd DSA yn cael ei dalu'n uniongyrchol i'r sefydliad sy'n darparu'r gwasanaeth / offer.

Byddwch yn darganfod sut bydd eich cymorth yn cael ei dalu i chi ar ôl eich asesiad o anghenion.

Sut mae gwneud cais:

Mae sut rydych yn gwneud cais am Lwfans i Fyfirwyr Anabl (DSA) yn dibynnu ar p'un a ydych yn astudio'n amser llawn neu'n rhan-amser.

Myfyrwyr israddedig amser llawn

Os ydych chi eisoes wedi gwneud cais am gyllid i fyfirwyr, mewngofnodwch i'ch cyfrif cyllid myfyrwyr i gychwyn eich cais DSA.

Dylai'r cais am DSA fod ar eich 'rhestr dasgau' os dewisoch DSA yn eich cais am gymorth arall. Os nad yw, dewiswch 'newid eich amgylchiadau' i wneud cais.

Os nad ydych wedi gwneud cais am gyllid i fyfirwyr, gallwch wneud cais am DSA pan fyddwch yn gwneud cais am gyllid i fyfirwyr ar-lein: <https://logon.slc.co.uk/welcome/secured/login>

Os nad oes gennych gyfrif ar-lein oherwydd eich bod wedi gwneud cais am gyllid i fyfirwyr drwy'r post, llenwch ffurflen cyllid myfyrwyr (ffurflen fain DSA).

Os nad oes angen cyllid myfyrwyr arnoch, gallwch lenwi ffurflen DSA1 i wneud cais am DSA yn unig.

Ni allwch wneud cais am gyllid i fyfirwyr ar-lein unwaith y byddwch wedi gwneud cais am DSA.

Myfyrwyr rhan-amser ac ôl-raddedig

Llenwch ffurflen cyllid myfyrwyr (ffurflen DSA1) i wneud cais am DSA.

Os ydych chi eisoes yn cael DSA

Llenwch ffurflen cyllid myfyriwr (ffurflen hawlio costau DSA) i hawlio eich treuliau yn ôl.

Ffurflenni:

Mae ffurflenni ar gael yma: <https://www.cyllidmyfyrwrycymru.co.uk/cyllid-israddedig/israddedig-llawn-amser/ffioedd-dysgu-a-chostau-byw/beth-sydd-ar-gael/lwfans-myfyrwyr-anabl/>

Pa mor hir mae'n ei gymryd:

Gall gymryd hyd at 14 wythnos i gael eich cefnogaeth DSA yn ei le gan fod hyn yn cael ei wneud ar wahân.

Rhagor o Wybodaeth:

I gael rhagor o wybodaeth, gan gynnwys faint o DSA sydd ar gael ar gyfer y flwyddyn academiaidd, gweler: <https://www.cyllidmyfyrwrycymru.co.uk/cyllid-israddedig/israddedig-llawn-amser/ffioedd-dysgu-a-chostau-byw/beth-sydd-ar-gael/lwfans-myfyrwyr-anabl/>

Cysylltwch â Cyllid Myfyrwyr Cymru:

Llinell gymorth Myfyrwyr ac Ymarferwyr Cyllid Myfyrwyr Cymru: 0300 200 4050

Sut i wneud cwyn:

Gallwch wneud cwyn dros y ffôn, e-bost neu'r post:

Cyllid Myfyrwyr Cymru: 0300 200 4050

Mae rhagor o wybodaeth am gwynion ar gael ar gov.uk: www.gov.uk/government/organisations/student-loans-company/about/complaints-procedure